



DEO OPTIMO MAX.

UNI ET TRINO,

VIRGINI DEIPARÆ, ET S. LUCE,
Orthodoxorum Medicorum Patrono.

QUÆSTIO MEDICA.

QUODLIBETARIIS DISPUTATIONIBUS;
*manè discutienda, in Scholis Medicorum, die Sabbati quartâ
mensis Januarii Anno Domini M. DCC. XLIV.*

M. LUDOVICO DE SANTEUL,

Doctore Medico, Præside,

An Cogenda Revulsio.

I.



ALETUDO quoddam est totius Hominis æquilibrium,
mathematicè minùs quàm physicè spectandum; Ubi corrumpit
aut destruitur, Mors est. Si titubet, jam surgit ad Delin-
quendum dispositio, si pervertatur fit Morbus, si quam ad-
ditionem, vel detractionem postulet, Medicina est, Vitæ
scilicet periodus, per quam veluti instinctu, aut ex propriâ attentione,
vel ex aliorum opinione, Quis utens nunc rato regimine, nunc reme-
A

dio, majores, aut adventitias experitur Motiones, suis viribus attrahentes inferiores, secus funestas. In iis rite temperandis constat legitima curatio. Ea est pro diversis naturæ moliminibus idonea cuiusvis auxilii admotio. Frustrâ liquet præsidium nisi prius & sagaciter innotescat vis & ordo sensilium corporis motuum. Isti sensiles motus sunt actiones, mutationes, simul & signa morborum sanive statûs. Pendent iidem ab integrâ vel vitiatâ nutritione. Vitiatur nutritio ex solido, aliâs magis, aliâs minùs agente quàm reagente fluido. Vices istius inversæ in quarumcumque partium motibus proportionis continent occulta morborum germina; Citiùs ociùsve sese evolvendo, duos priores exerunt effectus, nempe primò Plethoram, dein Cacochymiam. Utriusque materies succus est Nutritivus, sed hic in plethorâ refuit tantum & deviat, è contra & præterea, semperque secundariò lenescit & vellicat in cacochymia. Quando ruit in totum corpus quoquo modo depravatus, minus adest periculû, quàm ubi unam impetit partem. Ista enim pars vel gravata malè admittit aut continet liquida eademque sinit hinc indè quasi spontè disjici, vel resistens, fluida retorquet, fibræque tum suæ, tum aliæ præsertim vicinæ, demum cæteræ omnes convelluntur, Machina utique dilabitur. In morbo igitur ac in sanitate, qualecumque sit, servandum est æquilibrium. Partium conspirationi semper excubandum. Indicata non ex partibus seorsim indagatis, at ex toto homine scrutato desumenda. Vel minimæ perspicindæ sunt liquidorum Directiones. Quas affectant vias vel sibi met aperiri gaudent quærendæ, calcandæ; Si nec videre nec explicare queat, quidquid consulit Medicus, illud saltem sentiat & probet intimè. Naturæ opera æmuletur, facilliter, sustineat, erigat, stimulet, sed prudenter, nullatenus cogat.

II.

SI daretur humani Labyrinti filius, Ars nostra foret certissima, Traditione disceretur, vel Pueri ad eam inaugurarentur, iudicia forent nec difficilia, nec experimenta periculosa, imò Hippocrates evinceretur infidus & inutilis. Verùm quò plùs inquiritur cadaver, quò plura in eo deteguntur, eò numerosiora circa viventis æconomiam desiderantur callenda. Lucem addidit incredibilem Culter anatomicus & adhuc non minimam exhibet quoad viscerum textum, figuram & situm; Mancus autem & impar quoad eorum indolem, sympathiam, consensum & usum. Hæc definivit sola Philosophia, asseruit Observatio, ambo peperere quæ veniunt,

3
SALUBRIS DOCTRINÆ DOGMATA.

1^o. Homo non solis Rebus externis obijcitur, Organa sua diversimodè finguntur. ex genio, voluntate, consuetudine, sexcentis vitæ officiis. Ipse ergo varias ab animâ mutuatur larvas, nunc ita naturæ utiles aut nocivas, ut ab iis profiscantur cuius privata temperies, morbi que quoad genus similis pro quolibet ægrotante discrimina, & idcirco variantis medelæ oportunitas.

2^o. Leges mechanicæ ex quibus agit & agitur corpus, non à materiali tantum organorum fabricâ oriuntur. Cognitu difficillimæ sunt, ex eo quod aliquando dissimiles, aliquando pares, alit non pari modo, producant effectus, dum machinæ arte paratæ, simili tum causâ, tum effectû donantur, quapropter, ex iis crebrius comparatis ad corpus humanum, plerumque fallax elicitur analogismus.

3^o. Fibræ & Humores arcto inter se connubio coeunt, unâ quasi solidescunt, unumque constituunt vigente sanitate elaterem. Quandò & quandiù læsis duntaxat majoribus vasis, merèque devehenti bus micat inter solidas & fluidas partes divortium, morbus adest simplex; & vulgò commodum Naturæ conamen ad restituendam utrumque harmoniam; si verò istud divortium minima obsidens vascula, jam à longo tacitèque serpat, aut propter quarumdam partium texturam ferociat illico, tunc graviores nascuntur ægritudines, quarum aliæ brevi lethales, aliæ perennes, utpote singulæ ad crism ineptæ.

4^o. Per morbi tempora Partes circulum non describunt, id est, secundum ipsas pari, nec copiâ, nec velocitatis gradu circunt Humores, mutatur proinde ipsarum figura ex eorum nunc redundantia, nunc penuriâ moxque alterutram sequente acredine, idcirco ratione solidorum sunt insoliti motus, ratione fluidorum surgunt evacuationes novæ, aut solitæ secretionis sistunt vel adaugentur.

5^o. In affectu quocumque curabili, viscus nec per se, nec omnino impeditur. Actio sua minus à proprio læditur delicto quàm à symptomatis aliorum viscerum, sympathicè laborantium, liquida tunc huc & illuc diriguntur, vel ad tardio rem promptioremve in arterias redditum, vel ad lentio rem, celeriorem, uberiorem, parcioremve exitum, donec partes primario affectæ, suspicatum sed non signis declaratum pathognomonicis, dissipetur vitium.

6^o. Hæcce liquidorum à naturâ sibi providente Directiones modò sufficiunt ad morbi sanationem, modò pro partium textu intricatio ri, debili ori rigidi ori imperfectæ sunt, moxque aliena quædam genuinis morbi symptomatis adnascuntur accidentia.

7^o Adnatis iis symptomatum symptomatis, etsi dirioribus & periculi plenis, certius medetur incipientibus quàm prævisis.

8º. Nulla aplicentur medicamenta nisi sat motas & proinde manifestas, sequendo sæpiùs, emendando aliquoties, ciendo rariùs, turbando nunquam humorum, vel copiâ, vel singulari lentore, vel acrimoniâ peccantium Directiones.

I I I.

FA X Medicinæ istarum Directionum cognitio. Ur servandis iis tota Higieine, ita resarciendis tota Therapeuticè. Eo singulari & potiori sine pollet ista armamento triplici, dicetâ scilicet, venæ sectione, catharsi. Quodque sibi invicem vel opitulatur, vel officit, sed aliud proximè & evidenter, aliud remotè & sensim sine sensu, aliud solum, aliud cum alterutro, aliud cum utroque. Medicus proinde cogitat semper quid prius, quid posterius sit faciendum. Quas ad hunc morbum pro hoc agro ponit leges, easdem pro altero vel obliviscitur, vel detestatur. Aëris impressiones constantes celeresque novit, & ideo è longinquis regionibus advenam curare non dubitat tanquam indigenam; Paucis quantum in se est utitur remediis, ea tamen colligi vult & cumulari plurima, etsi natalibus, nomine non virtute pleraque discrepent. Iis ferè semper anteponit venæ sectionem, licet plurimis ægris invisam, Hæc ipsi est verus circulationis Auriga atque in liquidis directionum saga moderatrix. Triplex distinguitur pro venarum loco brachialis nempe, jugularis, pedalis, aliter dicta saphænæ sectio. Trina cuique dos est sanguinis videlicet minuendi, ejusdem per tritas solitasque vias promovendi, ultimòque & consequenter à parte affectâ deducendi. Individuæ sunt eæ, sive spontaneæ, sive elicitæ Directiones. In statu sano cunctæ bene conspiranti procedunt tenore, In morbo uno potiùs quàm altera sit respectu alicujus partis, aut sic speratur timeaturve. Quænam igitur vena secanda sit, quatenus istas Directiones varians præsentem morbo, maximi refert dijudicare. Si congrua fuerit, apta sit etiam vasorum depletio, parique passu succedunt feliciter derivatio & revulsio. Utriusque extensio sive quantitas, non pendet à solâ evacuationis copiâ, id est pro eâ vel majori vel minori, Neutra absolute occurrit major minorve. Mensurant utramque liquidorum remanentium Directiones, quas auget quidem nonnihil partis immediata & recens inanitio, sed longè magis elasticus organorum huicce parti respondentium conatus. Incumbat ergo necesse est Medicus detegendis ante venæ sectionis usum liquorum Directionibus. Ista cognitio Summam omnium morbi symptomatum complectitur, ineunte igitur morbo vocetur Medicus ut illam assequi possit; Sine eâ

5

sæpè sæpiùs Derivationem accersit dùm promovendæ Revulsioni studet & vicissim. Morboſo itaque ſublato æquilíbrio vel exacerbantur ægritudines, vel iis doſoſæ dantur induciæ. Sic quotidie ſuffocantur febres aut increbreſcunt, Sic eas in utroque caſu excipiunt cæcitas, paralyſis, ſputio ſanguinis aut puris, empyema, aſcites, chloroſis, morbi-hiſterici. Signa Directionum vel ſuccorum craſſitie tenebricoſa ſunt, aut eorum tenuitate vento pernicioſa; Ex ignotis liquidorum Directionibus, Morbi non abſurdè dicuntur maligni, id eſt ii in quibus planè incertus eſt eventus. In iſtis morbis præſens plerumque eſt revulſio, ſed quænam ægrè dignoſcitur, inde quantumvis oportuna ſit ſemper reformidari debet. Miros vel triſtes ac diuturnos parit effectus. Piſſima igitur Patrum noſtrorum modeſtia qui cam nunquam propo-
nebant, niſi ſeriò à pluribus Medicis in conſilium vocatis penſitatam, id eſt priùs perſpectis liquidorum Directionibus. Has nec Anatome nec Geometria detexit, nec indicavit Circino explorata canalium diameter quæ in acutis, præſertim vix momento ſibi ſimilis; Expendantur è contrà externè magis quàm intimè vaſorum compages, poſitio, figura & iter; Sic innotescunt fibrarum morboſa oſcillatio, humorum itus & reditus & proinde ex utriſque cognitis liquidorum Directiones. Obſervet præterea Medicus ſymptomata quibuſvis diebus, ſed potiſſimum primis apparentia, tunc ipſi evidentius prodeunt ſpecies, modus & tempus Revulſionis arte ſua facilitandæ.

I V.

FOE D U S naturæ & artis Medicinæ. Hujus opus efficax revulſio eſt, arduum tamen & anceps. Species utpotè adaucti morbis, quo ſuccorum in alios congeneres impingentium & frangitur impetus & copia quæ par eſt, amandatur in quædam diverticula, per ſe libera aut quoquoſo aperta. Cavendum ne ex eo motu vividiori aut celeriori Sanguis in varias divellatur partes, hic morans, ibi currens, undè venarum aliæ flacceſcunt, aliæ extrà tonum turgent, vel coarctantur, liquidorum deindè diruitur commeatus, ſimul & ſecretiones præcipuè Abdominis & Cutis peſſumantur. A derivatione animale robur. A revulſione quælibet optima ſecretio, cujus æmula ſapiens quælibet medicatio. Catharſis, veſicatorium, ſinapiſmus, opus ex ferro Chirurgicum, ipſemet victus quo tenuior, totidem ſunt Revulſionis genera. Quemadmodum ſecretiones gradatim perficiuntur, ita non ſubitò niſi raro, non ſponte fit, nec faciendæ Revulſio. Ad purgationem expectanda humoris maturitas ſive Coctio, vel ad inteſtina proclivitas. Expectandus pariter ad Revulſionem lymphæ dimovendæ novâ in venas directione reſfluxus, aut ipſius loco naſcens ſanguinis appulſus ad vaſa à centro motûs remotiora. Nihil evacuetur niſi redundans, nihil de-

rivetur, nisi appellens, nihil revellatur, nisi sequens & retrocedens. Vilcerum anfractus variusque elater, diversa fluidorum crasis sat moment humores non esse movendos, nisi à natura prius determinatos; secus si temerariò quatiantur, si accelerentur, quæ sponte fiebat Revulsio, sopit furitve; Crises idcirco fugantur aut symptomaticæ vastant evacuationes, aut contingunt Hemorrhagiæ Narium, nunc pauciores, nunc copiosiores, vel oriuntur Sudores nec die, nec quantitate, nec loco idonei, vel Urinæ fluunt perperam & tinctæ, & compositiæ, & mensuratiæ. Non minora sequuntur discrimina, quando venæ sectione, quæ competeat, nimium dilatâ aut prorsus rejectâ, languet aut omnino cessat, deficiente artis subsidio, jam inchoans Revulsio. Huic ergo tempestivè succurrendum. Eadem tamen absque præviâ humoris morbidi Directione interdum est tentanda. Sic in apoplexiâ vel hypocondriaciâ vel histericâ, sic in mobili novoque mammarum Cancro, sic in affectibus à Lochiorum, Menstruorum, Hæmorrhoidum inopinâ morâ ortis. Qui in hisce casibus recens deviant humores, citò ad pristina revocantur loca. Præviâ è contra humoris peccantis Directionem cæteri postulant morbi, scilicet chronici tardiozem, acuti velociorem. Natura suis viribus moveat quancumque Revulsionem, antequam Medicus suis eandem satagat perficere auxiliis. Nec oriens, nec explenda censeatur, nisi dominetur, villorum robur vel sine quo nulla Revulsio à naturâ fieri potest. Istud potissimum debet attendere Medicus atque dignoscere. Signa inchoatæ Revulsionis sunt alia in chronicis, alia in acutis. Denunciatur in chronicis artuum pandiculatione, oscitatione crebrâ, respiratione singultuosâ, lumborum gravitate, ventris obmurmuratione, aliisque tum histericis tum melancholicis passionibus. Significatur in Acutis duobus, symptomaticis nempe delirio & hypocondriorum molli ac indolente tumefactione. Hæc & illa signa sanguinem intra venæ portæ ramificationes turgidum nerveos comprimentem abdominis plexus, cerebrumque sympathicè convellentem arguunt, sicut etiam cuiusdam Plethoræ speciem, factæ tandem localis & circumscriptæ & idcirco urgentis. Tunc naturalis Revulsio reddenda plenior, pacatior, securior & utilior, istudque fit ope evacuationis conferentis, ratione temporis, vas electi, quantitatis, & potissimum ratione motus conciliandi, quo Morbi tantum symptomata Medicus curat, ut in quacumque legitimâ curatione fieri debet, dum causis unice prospicit Natura.

V.

REVULSIONEM evidenter à Naturâ motam Medicus explet ac perficit, ope ut plurimum Venæ sectionis, sed non hujus, non cujuslibet, non quovis morbi tempore, nec quotiescumque re-

petitæ. Sæpiùs & meritò vena Brachialis inciditur, quatenùs præparans semper, aliquando determinans & eâ ratione à cerebro, corde, pulmonibus distans, quâ sine vi aut impedimento minuti Sanguinis elevat renixum, Thoracis affectibus singulariter prodest & ideò frequens felixque est Parisiis. Præcellit cæterarum venarum sectiones, sola sibi plerumque sufficiens, ad quascumque liquidorum Directiones, dum aliæ venarum sectiones, eâ omisâ rariorive, vel impares, vel ancipites, quandoque exitiales. Ipsius vices gerit apud quasdam gentes, ut in Hispaniâ, eodem fine & emolumento celebrata Saphenæ sectio. Hispani tenuiori cibo utuntur, iis est uberior fixiorque perspiratio, non tam operibus navant quam studiis, rariùs proindè laborant pulmone, quàm abdomine, Liquida secretionum crassiorum apud ipsos lubrica sunt, oleosa, biliosa, viscosa parum, cespitant haud ægrè alvumque subeunt, ibi sistunt, rument, angunt centrum exuberantiæ declarant, evacuationem ideò proximam simul & venam Pedalem suggerunt aperiendam, utpotè Brachialis instar, illaso liquidorum motu, merè inanientem. In quibuscumque aliis regionibus ut in Galliâ nostrâ, Eadem venæ Pedalis sectio non solum evacuat, sed propriè revellit, quapropter nec initio cujuslibet morbi, nec sæpè suadenda. Galli præsertim Parisienses aerem hauriunt nutrientem, ipsis est cibus fortis & tenax & inde perspiratio incerta, celeriter audent, & conantur, succorum interceptioni frequentius quàm ingurgitationi viscera sua obnoxia sunt, suus etiam brevi tumet sanguis, lentiusque progreditur, aliqua ergo innuitur Revulsiois tum naturalis, tum artificialis opportunitas, sed ut artificialis Revulsio faustè fiat, ex sunt adhibendæ Cautiones. 1°. Quæcumque organa venæ sectione Brachiali sat depleantur. 2°. Absit in pulmonibus vel minima inflammationis suspicio. 3°. Instet sanguinis vergentis & à parte affectâ jam per se recedentis orgasmus. Revulsio catharticos instar duplex est infera nempe & superna. Alterutram indiscriminatim vel moliri vel experiri piaculum est. Quæ potissimum præcipiti Saphenæ sectione excitatur damnosior. Abdominis enim viscera vel majori vel promptiori liquidorum detractio, nunc crispat, nunc vehementiori detrusione laxat, liquidis ergo regurgitantibus malevè retortis grassantur comata, tetani, spasmi, diri pedum dolores. Ista etiam Saphenæ sectio, in verâ pulmonum inflammatione præcavendi aut cessandi deliriis occasione adhibita, ipsum sæpissimè aut accersit aut ita irritat, ut huic jungatur furor & tunc mors pulsat certissimè. Est cuique suus organo circuitus. Quandiu in majores arterias quisque collimat tandiù natura suas perficit crises. Servatur iste confluxus tardè secando venas à corde remotiores, promptè priùsque ferè semper incidenda vasa cordi proxima. Derivatio promovenda ante Revulsionem. Sibi fa-

vent invicem, suntque cujullibet venæ sectionis inter se reciprocantia opera. Ipsamet Jugularis sæpè sapiùs revellit, undè singulariter convenit ad renovandum in Variolis phtyalismum, sed ut felices sint tùm jugularis, tùm Pedalis venæ sectionis effectù. ista cavenda sunt.

1º. Jugularis venæ sectio nunquam usurpetur, nisi tempore erethismi membranas cerebri ad nitum sollicitantis.

2º. Idem occurrat in abdomine erethismus ad Saphenæ sectionis præstantiam.

3º. Si deficiat, optimè accersitur quoad Caput admoto ponè aures & collum per aliquot horas Vesicatorio antè Jugularis sectionis usum. Sic suspensà dura meninge, ipsius præcavetur lethalis coincidentia.

4º. Si deficiat in abdomine iste erethismus, excitetur quibusdam Stibii granis antè saphenæ sectionem propinatis, sic Emeticum suscitans abdominis viscera perniciosas avertit liquidorum stases.

5º. In utrâlibet istarum venarum sectione diligenter examinetur Pulmonis conditio, istud etenim viscus duo corporis extrema Cerebrum nempe & Abdomen singulariter afficit & vicissim ab istis duobus extremis singulariter afficitur. Rerum externarum accipit impressiones & quas alio sunt temperat, Quæcumque medicamenta regit, ipsamet Naturam fovet, Dux est quarumcumque in liquidis Directio- num, & ab ipso potissimum cujuscumque curationis felicitas.

Cursus ergo Liquidorum natus faciliteretur tantùm, nunquam coga- tur; Malè revelluntur quæ malè derivant,

Ergo non Cogenda Revulso.

DOMINI DOCTORES DISPUTATURI.

M. Josephus-Exuperius Bertin,
Suprmi Valachie & Molda-
vie Principis Medicus Pri-
marus.

M. Gedçon de Rabours,

M. Camillus Falconet, Salubris
Consilii Regii Socrus, & i Re-
grâ Numismatum Academiâ.

M. Joannes-Ludovicus Baude
de Lacloy, Rei Herbariæ Pro-
fessor.

M. Laurentius Perret, Chirurgiæ
Gallico Laronnate Professor.

M. Hyacinthus-Th. odoros Baron,
Antiquas Facultatis Decanus.

M. Carolus Dionis,

M. Joannes Midy.

M. Joannes-Francescus Coutbier,

Proponebat Parisiis, PETRUS ARCELIN, Matisconensis, Doctor Monf-
peliensis, Saluberrimæ Facultatis in Universitate Parisiensi Baccalaureus,

A. R. S. H. 1744, à sextâ ad meridiem.